

- 1^r Mancher vil kost vff jagen leytt
- 2^r Das jm doch wenig nutz uß dreyt
- 3^r Wie wol er dick eyn weydsprüch seyt

Kap. 74



Von vnnutzem jagen

- 1 Jagen ist ouch on narrheyt nit
- 2 Vil zyt vertribt man on nutz mit
- 3 Wie wol es syn sol eyn kurtz wil
- 4 So darff es dannah kostens vil

5 Dann leydhund / wynd / rüden / vnd bracken
 6 On kosten füllen nit jr backen /
 7 Des glich hund / vogel / vaderspil
 8 Bringt als keyn nutz / vnd kostet vil
 9 Keyn hasen / repphū / vohet man
 10 Es statt eyn pfundt den jäger an
 11 Dar zū darff man vil herter zyt
 12 Wie man jm noch louff / gang / vnd rytt
 13 Vnd sücht all berg / tal / weld / vnd heck
 14 Do man verhag / wart vnd versteck /
 15 Mancher verscheycht me dann er jagt
 16 Das schafft er / hat nit recht gehagt /
 17 Der ander voht eyn hasen offt
 18 Den er hat vff dem kornmarckt koufft
 19 Mancher der will gar freüdig syn
 20 Wogt sich an löwen / beren schwyn
 21 Oder stygt sunst den gämpsen noch
 22 Dem würt der lon zū letsten doch /
 23 Die buren *jagen* jn dem schne
 24 Der adel hat keyn vorteil me
 25 Wann er dem wiltpret lang nach loufft
 26 So hats der buwr / heymlich verkoufft /
 27 Nembroht zūm erst fing jagen an
 28 Dann er von gott gantz was verlan /
 29 Esau der jagt vmb das er was
 30 Eyn sünder / vnd der gotts vergaß
 31 Wenig jäger als Humpertus
 32 Fyndt man yetz / vnd Eustachius
 33 Die liessen doch den jäger stodt
 34 Sust truwten sie nit dienen gott

n1'

n

23 jagen] jagem GW5046 28 gantz was GW5046 GW5047] was gantz GW5041